



САМУРДИН

СЕС

«Магарамдхуруьн район» МР-дин
общественно-политический газет.
Общественно-политическая газета
МР «Магарамкентский район».

Газет 1951- йисалай акъатзава. № 35 (7855) киш, 12- август, 2017- йис. Къимет 6 манат.

МР-дин АДМИНИСТРАЦИЯДА

ВАЖИБЛУ ГУЪРУЪШ



АЛАТАЙ хемис юкъуз Магарамдхуруьн райондиз РД-дин Правительстводин председателдин 1-заместитель Рамазан Алиев кыле авай делегация мугъман хъана. Атанвай мугъманри районада эвелимжи проектар тамамарзавай гъал ахтармишуниз талукъарнавай гегъенш совещание кыле тухвана.

Совещаниедин къвалахда РД-дин Къилин ва Правительстводин организационно-проектный управлениедин начальникдин заместитель Мусалан Тахманова, гъа и управлениедин консультант Эльвира Караевади, РД-дин хуьруьн майишатдин министерстводин инвестиционный политикадин ва проектар вилик тухунин рекъяй отделдин начальник Магъамед Патахова, РД-дин экономикадин ва социальный рекъяй вилик тухунин министерстводин, финансрин ва налоговый политикадин проектный управлениедин начальник Шамил Исмаилова, райондин администрациядин жавабдар работникри, хуьрерин администрациядин кылерин, са жерге

идарайрин ва учреждениерин руководителри иштиракна.

Совещание ачухай «Магарамдхуруьн район» МР-дин кыл Фарид Агмедова атанвай мугъман район яшайишдинни экономикадин рекъяй вилик тухунин хиле авай делилрихъ галаз танишарна.

Районда «Обеление экономики», «Точки роста, инвестиции и эффективное территориальное развитие», «Новая индустриализация», «Эффективное государственное управление» лишандик квай эвелимжи проектар тамамарунин нетижада хъанвай агалкъунрикай МР-дин администрациядин кылин заместитель Ариф Гъажиева доклад авуна. Вичин рахунра къейд авурвал, 2015- йисан делилрив гекъигаила 2016- йисуз консолидированный бюджетдай атанвай хуси дуллухдин къадар 21,4 процентдин артух хъанва. 2017- йисан I-июлдин делилрай аквазвайвал план 50,5 процентдин тамамарнава. Эхирдай вичи тамамарзавай вири проектар хъанвай фактарай делилрай гегъенш информация авуна.

РД- да важиблу проектрикай

сад тир «Эффективный АПК» проект районада тамамарзавай гъалдин ва и барадай тухузвай къвалахрин гъакъиндай МР-дин администрациядин кылин 1-заместитель Гъабибуллагуь Мурадалиева гегъеншдиз лагъана. Ада къейд авурвал 2016- йисуз Магарамдхуруьн райондин аграрийри 40 000 тонн емишар къватІна. Яни республикада къватІнавай емишрин 26 процент чи райондай хъанва.

ГъакІни 13 500 тонн уьзуьмар, 86 000 тонн майваяр къватІнава. 2017- йисуз 461 гектар багълар ва 90 гектар уьзуьмлухар кутунва.

«Безопасный Дагестан» эвелимжи проектдай информация авур МР-дин администрациядин кылин заместитель Зайнуддин Азимова и барадай республикадин АТК-дин аппаратдихъ галаз тухузвай къвалахда рази жедай гъалар авайди къейдна.

МР-дин администрациядин кылин заместитель Марта Абдуллаевади «Человеческий капитал» проект тамамарунин мураддалди 2016- йисуз ва 2017- йисан I- паюна тухванвай мярекатрикай гегъеншдиз лагъана.

Проектар тамамарунал гуьзчивал тухузвайбурун информациейрихъ яб акалай Рамазан Алиева, санлай къачурла райондин вири хилера разивал ийидай гъалар аватІани, хъуьуна къанзамай къвалахарни амайди къейдна ва республика, район аваданламишунин мураддалди чІугъазвай зегъметдай чухсагъул лагъана.

ГЪАЗУРВИЛЕР АКВАЗВА



ИНГЪЕ йисан къене гуъзетзавай эхиримжи зенг яна. Еке гъевесдивди гъам аялри, гъам диде-бубайри гуъзетзавай рухсатдин пуд варз башламиш хъана. Аялар экуьнахъ къарагъуникай, школадин къайданизам хуьникай, тарсар чируникай азад хъана. Гъар сада вичин багъа вахт менфятлудак азъудун фикирда аваз гъар жуьре планар язав. Нисиналди ксун, куьчейра къекъуьн, телевизордиз килигун ва патариз ял ягъиз фин. Зи хтулди лагъайвал, кеф чаз, къудкъанни цемужуьд выходной ганва.

За фикирзавайвал, хизанлух ял ягъун виридалай хъсан кар я. Чуьлдал, вацал, гъулел фена ял ягъуни, чуьхуьнагар авуни, тамай емиш, майва къватлуни инсандин гуьгъуьл ачухарзава ва хизанда авай члехибурунни гъвечибурун алакъяар мягкемарзава. Идалай гъейри цихъ галаз алакъяалу гъерекатри вилерин ишигъ зайифзавайбуруз хъсан таъсирда. Спортдихъ галаз алакъяалу къугъунри санлай бедендин сагъламвал мягкемарда. Ихътин мумкинвилер амай варцара жезвач. Экуьнахъ къарагъна пад къерех

агудна гъарма сад санихъ, члехибурун кваллахрал ва аялар школадиз физва. Нянихъ кваллахрилай галат хъана хтайла кваллин дердийрин гъилля санал ацукъна дерди – гъал ийидай вахт жезвач. Хизанда садвал, меслят ийидай мумкинвал амукъзавач. Гатун варцара аялар клелуникай азад вахтунда диде-бубайрини отпускаяр къачуна абурухъ галаз ял ягъайтла вуч хъсан кар жеда. Санал ял ягъуникай абуру дугъриданни лезет хкудда. Фейи чкада абуру тупунал къугъвада, велисапетар гъалда, гъар жуьре къугъунарда ва куьнни гъевесламишиз

алахъда. Гъамиша куь тавазивилерихъ, хъсан ихтилатрихъ, гъакл куь компаниедихъ та марзлу веледриз и ял ягъун гъвечли сувариз элкъведа. Абуру квез генани мукъва жеда.

Гатун вахтунда аялар лагерриз ракъурунални еке къал ала. Сад лагъайди абуру коллективда жезва, чпиз ярардустар къазва ва дуствал хуьз алахъзава. Чеб къилди хъайила, аслу туширвал гъисс авурла жавабдарвални артух жезва. Гъамиша чи лувук квай абуру чеб – чпин ихтиярда гъатайла мукъаятни жеда.

Гатун варцар аялрин вахт дуьзгъундаказ ишлемишунилай гзаф аслу жезва. Виридалай важиблуди и вахтунда абуру вердиш хъанвай къайда члур тавун я. Туьнрилайни гзаф аслу жеда. Чеб-чпин ихтиярда гъатнавай аялри туьнриз артух яб ядач. Са шадвал ава, гатун вахтунда жуьреба-жуьре емишар майваяр дигмиш жезва. Гъар вуч лагъайтлани, гъи патяхъай килигайтлани гад хъсан вахт я, амма гъайиф хъи и вахт вучиз ятлани фад акъатзава. Накъ июндин варз алуькна лугъуз авур шадвилерихъ гила августдин жавабдарвилерни гала.

→ 5



ТАРИХ

СТАЛИНГРАДДИН ЖЕНГЕРИН - 75 ЙИС



ТАРИХДИН делилри ша- гъидвалзавайвал, Ватандин Чехи дяведа Германиядин кyuшунриз сифте халис ягъун Москвадин патарив кьиле фейи женгера кyuна. Нетижа- да душман са шумуд виш километрдин атай патахъ кадар хъувуна. Москвадиз душмандин патай авай кyрхулувал алудна.

1942- йисуз Европада кьвед лагъай фронт ачухун хиве кyр США-динни Англиядин регъберри гайи гаф хвенач. Нетижада Гитлеран командованиедиз гъа и гатуз Советрин кyuшунрин хуруз вичин, гъаки терефдаррин кьве више- лай виниз девизияр, дяведин гзаф техника ракъурдай, рагъэкъечдай патахъ гyжум- дай мумкинвал гана.

Душмандин фикир Дон вацалай элячлун, Волга вацал экъечлун ва нафтадалди дев- летлу Кавказ къачун тир. Сен- тябрдиз гитлерчияр Сталин- граддив агакьна. Шегъер кyр- хуллувилик акатна. Гъар са куъче, квал патал кьизгъин женгер башламиш хъана. Ви- чин составда 13 дивизия, гуж-

лу техника авай генерал-полков- ник Паулюсан 6- армиядин хура генерал-лейтенант Чуйкован 62- армиядин аскерар, гъаки маса кyватар мягъкемдиз акъвазна. Фашистрин хягъай дивизийри- ни вишералди танкари ва само- летри шегъердал гyжумнатлани, душман вичин мураддив агакь- нач. Нетижада 1942- йисан но- ябрдин юкьвара гитлерчияр гy- жумар акъвазаруниз мажбур хъана.

Гъа и вахтунда чи Генераль- ный штабди «Уран» твар алай контрнаступлениедин чинебан план тукьлурна.

Фронтдиз цийи кyватар ага- къарна. Душмандиз акси гyжум башламишдалди вилик Сталин- граддин патав са агъзурдав агакьна танкар, 1100 далай ар- тух самолетри, ирид дивизиядин аскерри, 14 агъзурдав агакьна тупарини минометри, реактив- ный минометри (Катюшайри) иштиракна. Им фикирдиз гъиз тежедай зурба кyватар тир, мукъаятвал хвейивилляй душ- мандиз адакай хабарни хъана- чир. 1942- йисан 19- ноябрдиз чи кyuшунри гyжум башламишна. Тарихчийрин гафаралди Ста-

линград патал кьиле фейи женгери дуьньядин кьвед ла- гъай дяведа дибдин дегишвал арадал гъана.

1942- йисан 19- ноябрди- лай 1943- йисан 2- феврал- далди Сталинграддин фронт- да душмандин 32 дивизияни 3 бригада михъиз кукварна. 16 дивизиядиз еке зиянар гана. Ина душман гзаф къадарда дяведин техникадикайни магъ- рум хъана. Немсерин 100 агъ- зурдав агакьна солдатарни офицерар телеф хъана, гъа са вахтунда фельдмаршал Пау- люс кьиле аваз 27 генерални 330 агъзур кас есирда кyuна.

Сталинграддин патарив чи кyuшунри къазанмишай гъалибвили вири дуьнья гъейранарна. США-дин Пре- зидент Франклин Рузвельта, Великобританиядин пре- мьер-министр Уинстон Чер- чила и женгера Советрин кyu- шунри къалурай игитвилериз еке кьимет гана.

Рахун физвай женгина гзаф дагъустанвийри хъиз, чи районэгълийрини иштиракна. Абурукай гзафбур гъа женге- ра телеф хъана, гзафбур гел галачиз квахъна.

Ингъе Волга вацал чехи женгер хъайидалай инихъ 75 йис тамам хъанва. Тарихда эбеди яз гъатай женгинин иш- тиракчийрикай кье республи- када сад-кьвед аматла, мад амач. Са шумуд цлуд йисар алатнаватлани, Ватан хвейи- бур, женгерани, дяведин хи- рерик телеф хъайибур риклелай алатзавач.

Ватан, адан аслу тушир- вал патал женгера чи бубай- ри къалурай къагъриманви- лер чи йикъарин несилриз ватанпересвилинни патриот- вилин ачух чешне хъун герек я.

Р. МУРАДАЛИЕВ.

Аллагъяр АБДУЛГЪАЛИМОВАН - 75 йис



**Эй, зи Ватан, зун я ви лук,
Четин гъар са легъзеда.
Мел-межлисда жеда ашукъ,
Герек члавуз-жергеда.**

АЛЛАГЪЯР Абдулгъалимов «Самурдин сес» газет клелзавайбуруз фадлай таниш я. Адан шиирар гъвечлибуруни, члехибуруни вирида гъвесдалди клелзава.

Аллагъяр малим 1942- йисуз Ахцегъ райондин Мичегърин хуьре (гуьгъуьнлай абур Арандиз куьч хъана) дидедиз хъана. Тагъирхуьруьн къазмайрин юкъван школа агал-

школада малим-в и л е к л в а л а х н а . Адаз, тежрибаллу малим хъуниз тамашна Дагъустандин образованиедин министерстводин къарардалди къилин категория тайинарна.

Дагъдин ценирив гвай Ми-



ЭКВ КУКІУЪРИЗ РИКІЕРА

къунралди куьтягъна. Ахпа къуд йисуз армиядин жергейра моряк яз къуллугъна. Аял члавалай поэзиядал рикл алай жегил аскер вичи къуллугъ ийизвай частунин газетдиз мукъва хъана. А газет патал жуьребажуьре макъалаяр ва очеркар кхъиз хъана. Абурукай хейлинбурчкадин газетдин чинра чапни авуна. Ина Аллагъярал сифте яз мухбир лагъай тлварни акъалтна.

Армиядин жергейрай хтайла, гафунин тлеам, къуват чир хъанвай Аллагъяр малим ДГУ-дин филологиядин факультетдиз гъахъна. Ам куьтягъай 1969- йисалай эгечлна лап къенин йикъаралди ада Хтункъазмайрин юкъван

чегърин хуьре члехи жезвай заз, - риклел хкизва Аллагъяр малимди, - яш тахъанмаз школадиз гъахъиз клан хъана. Амма зун къабулнач. Кур пашмандиз клвализ хквезвай зал, хуьруьн куьгъне кимин патав Тагъир буба (Хуьруьг Тагъир) гъалтна. Ада завай, - заз ви кефияр хъсан аквазвач хьи? - лагъана хабар къуна. Зани адаз жуван дерт ачухна. - Чан хва, вун инал акъваз, - лагъана, Тагъир буба чи школа галайвал фена. Ахпа зи патав хтайла, ада заз икл лагъана:

-Алим хва,
Малим хва,
Чира гъар са
Илим, хва.

Хуьруьг Тагъир сеbeb хъана, Аллагъяр малимдикай школадин ученик

хъана. Аллагъяр Абдулгъалимова вичин сад лагъай шиир «Къайи хабар» 7- классда авайла кхъена. Им Хуьруьг Тагъир къеи югъ тир. И шиирдилай гуьгъуьниз бажарагълу шаир Аллагъяран къелемдикай хейлин эсерар хкатна. Ам гъакл са шумуд ктабдин авторни я. Аллагъяр Абдулгъалимов Россиядин журналистрин Союздин членни я.

Дуьшуьшдикай менфят къачуна «Самурдин сес» газетдин коллективди Аллагъяр малимдиз алуькъзавай 70 йисан баркаллу юбилей мубуракзава ва адалай инсанрин риклер шадардай цлийи-цлийи шиирар ва макъалаяр гуьзлемишзава.

Р. МУРАДАЛИЕВ.

Аллагъяр АБДУЛГЪАЛИМОВАН - 75 йис

ЗАРДИН НУРАР

Килигзава зун фронтдиз гъулерин,
Царцар гузва, нур тухузва вилерин,
Бескозырка. Къизил гъарфар пелелай,
Гарал лентер къугъваз жедай къилелай.

Фена вахтар, чархар ягъай гъулерал,
Зардин нура-чинер алай къуьнерал.
Фланелка, хуру ахъа, гюс-лепейрал,
Бес тельняшка?! Гъалиб хъайи къеллейрал...

Зур асир я, хуьзва форма, вил ягъиз,
Эй, зи дустар, амач салам, гъил ягъиз?!
Куьн гъинава, зи стхаяр, кис хъана?!
Аллагъяра чи гъулерин гъисс хвена...

Гъикл тарифдач, кикер гъаркъуь шалвардин,
Гъар са «безек» даяхар тир завалдин.
Тумаждин чул, гъед юкъваваз лабардин,
Шагъид хъайи жегъилвилдин гъунардин.

Хурум чекме, абур тир чи къвачерал,
Чил зурзадай къекъведайла чилерал,
Чулав бушлат, къуша-къуша дугъмеяр,
Гусардин хъиз, хурудаллай везнеяр.

Къекъвезва рикл гъулерални юрдарал,
Дамахзава къенин йикъан картарал.
Чулав тлуьгъуьн чи несилдиз такурал,
Экуь бахтар, Зуьгъре гъед хъиз куьклуьрай...

**ШИИРАТДИН
ТИУЛАРА**

*Зи гъевчи стха
Зульффикъар
КЪАФЛАНОВАЗ.*

Цифедин шарф гардандаваз,
Шалбуз дагъ ви гъевес хъана.
Пак хиялар виждандавай,
Алемдиз къе ви сес хъана.

Ви илгъамдин чешмедин къил
Хайи ери, бине хъана,
Хкажзава на хайи чил,
Муьгъуьббат ви вине хъана.

Вун бубадин чатук къизмиш,
Галукъиз нев хъана секин.
Ацлай къил хъиз, хъана дигмиш,
Баседин хъиз, фикир дерин...

Эхъ, булахрин ширширдин ван,
Руьгъдин гъиссер царар ава,
Атирдин ни-цуьквер алван,
Шииратдин тлуларава...

Ви гъевесдин рекъерин зар,
Даим ракъин ишигъдик хъуй.
Парнастални жедайвал твар,
Эниш-юхуш муьтлуьгъдиз хъуй.

Самур вацл хъиз, ви мярекат
Гурлу я къе, къвезва алхиш.
Уьмуьрдик хъуй ви берекат,
Хуьз алахъа жуван ериш.

Мубарак хъуй ваз къенин югъ,
Берекатрин зул хъурай вахъ.
Аллагъяран риклин буйругъ-
Хкахъ тийир къул хъурай вахъ...

**ЗАЛУКДА
ЗЕГЪМЕТ**

Заз акуна:
Куьнуьчиди
Хуьзвай тегъер,
Вичин чижер.
Элкъуьрнава
Гъар са чал са
темпелдиз.
Алтлушнава

курунал;
Къаришма гуз,
Эхъуьрзава
пасукда.

Акл аквазва,
Гуя къунва
залукда...

Гъизмач суьрсет,
Хкуднава
Тебиатдиз
Фидай хесет,
Гъайиф чулгуваз,
Килигнай зун
мягътедиз...

* * *
Рикляй фейи,
Мефт регъвезвай
хиялди,
Куьнуьчидкай
Эмир хъайи

аялдин
Язух тушни?!
Вуч аватла,
Чир тахъайла
зегъметда.

Лагъ вуна, дуст,
Ихътин аял,
Гележегда
Хъун мумкин ян,
гъуьрметда?!

**ПАРНАСДИН
КЪАКЪАНДАВАЙ...**

*Стлал Сулейманан
Музейдиз цлай ягъайла.*

Эй, къацлай кас, гъикл фена гъил,
Ви къвачерик зурзанач чил?!
Къе гъар садан чандава звал,
Арифдардин аквазвай къвал

И хабарди къарсурнай зун,
Цлай атай хъиз, зурзурнай зун,
Цла кудай кас туш а шаир,
Цун ялав хъиз куьквей уьмуьр.

Напак кас ви чанди ялав
Куьз къуначтла, гъа легъзеда?!
Халкъдин риклер авур чулав,
Уьмуьр хъурай ви желеда...

-Эй арифдар, «далдам-зуьрне»,
Гуя къени хъанвач куьгъне?!
Ариф къекъвей и пак чилел,
Гъинай пайда хъана черпел?..

Къилел къвай хъиз, хар-ккларал,
Ясдава къе пуд Стлалар...
Чи сенгеррал ви хци гаф
Хъанай яракъ, тийир инсаф..

Фейитлани ирид цавай,
Гъелбетда, ам куз жеч вавай.
Асирра хуьн хиве авай,
Гъар лезгидин рикле авай.

Вич Парнасдин къакъандавай,
Шииратдин майдандавай,
Горькийдин твар хкажай хва,
Тек пак риклер я ви арха...



ГЪАЗУРВИЛЕР АКВАЗВА



2 ←

Августдин варз диде-бубаяр патал жавабдар вахт я. Сад лагъайди школадиз физвай аялриз ківачелай кылелди алукидай парталрин ва амай шейэрин къайгъу авунин чарасузвал ава. Эхиримжи йисара школада формадин парталар алукиуниз кьетлен фикир гузва. Месела, жуван аялдиз са къат партал къачурла, за 1900 ківачин къапарихъ, 1600 алукидай лацу перемдихъ, 1400 вили шалвардихъ ва 2000 амай куьлү-шуьлүьйрихъ гана. Иналди бегъем жезвач за къачунвайди са къат я. Бес дегишлухар кландачни...

Идалай гъейри захъ са велед мад ава. Абуруз герек тир къелем, дафтлар, пенал, карандаш тир, школадай гун тавунвай ктабни къачун зи хиве ава. Эхиримжи йисара модада гъатнавай «рабочая тетрадь» гъар предметдай жува къачуна кланзава. Къиметарни агъузбур туш. Алатай йи-

суз къачур инглис члалан ктабдин къимет 600 манат тир. Гзаф вахтара авторар гъа садбур яз, чинра дегишвилер ава лугъуз члехибуру ишлемишай ктабар гуьгъуьнлай къвезвайбурувай ишлемишиз хъижезвач. И мукъвара Дербентда са гъал хътин чантадин къимет хабар къурла 3500 манат лагъана.

Зи алцумунрай вацран мажиб са аялдиз бес жезвач. Бес къвед-пуд вацран мажиб аялриз харж авуна абур школадиз гъазурайла, амай квалин дердияр квехъ авурай.

Са хизандай пуд-къуд аял школадиз рекъе твазвайбуру вуч авурай? Дугъриданни августдин вацран харжияр къалин я. Амма адет хъанвайвал, гъар йисан I – сентябрдиз вири гъазурвилер акуна клелунрин цийи йисчна шад гъалара къаршиламишда.

А. АЙДЕМИРОВА.



«ПРИМОРСК» ЛАГЕРДА

ЧАЗ виридаз чизвайвал, гад алукуайла, гъар йисуз аялар ял ягъиз диде-бубайри лагерриз рекъе твазва.

«Приморск» лагерь акъалтлай къулай чкадал ала. Ам гъуьлүьн патав, тамун юкъвал ала. Лагердихъ вичин вири къулайвилер авай дараматни ава. Гъар йисуз аниз аялар ял ягъиз физва. Алай йисуз Магъарамдхуьруьн райондин «Приморск» твар алай лагерда 100-лай виниз аялри ял яна. Яшариз килигна, абур группайриз пайнава. Гъар са группада дежурство тухузвай тербиячярни ава. Аялриз дарих жедай мажал лагерда гузвач, кылди ва дестедин программаяр тайинарнава. Ана жуьреба-жуьре нянин шадвилдин межлисар, манияр лугъузва, куьлер ийизва, лагерда авай аялар гъамиша гуьзчивилик ква. Аялриз яшайишдин къулайвилер яратмишун патал вири къуватар эцигзава. Абур гъич са куьнихъни муьгътеж туш. Йикъа къуд сеферда тлуьн гузва. Гъар юкъуз якун хуьрекар гъазурзава, яр-емиш ва ширинлухар гузва. Гъа и гатуз Гъепцегърин хуьряй бажарагълу са аял «Сириус» лагердиз ял ягъиз рекъе тунвай.

ЖАННА.



В ПРОКУРАТУРЕ РАЙОНА

ПОГАШЕНА В ПОЛНОМ ОБЪЕМЕ

ПРОКУРАТУРОЙ района проведена проверка соблюдения законодательства об оплате труда, в ходе которой установлено, что по состоянию на 13.07.2017 г задолженность по начисленной, но не выплаченной заработной плате перед работниками пяти муниципальных казенных учреждений дополнительного образования составила 3 657683 рубля. Задолженность по заработной

плате образовалась по причине не поступления из республиканского бюджета дотаций на выравнивание бюджетной обеспеченности муниципального района.

В целях устранения выявленных нарушений закона, обеспечения прав трудящихся на своевременную и в полном объеме оплату труда, прокуратурой района 13.07.2017г. главе муниципальному району «Магарамкентский район» внесено представление.

Акт реагирования рассмотрен с участием представителя прокуратуры района, принятыми мерами задолженность по заработной плате образовавшаяся перед работниками образовательных учреждений, погашена в полном объеме.

М. КАЗИАХМЕДОВ,
прокурор района,
старший советник
юстиции.

ДИН ВА ИНСАН

МУГЪАММАД пайгъамбар /САС/ хунихъ галаз алакьалу яз инсанриз гзаф аламатар къалурайди я. Агъа-дихъ абурукай са шумудан твар къан.

Чи пайгъамбар, Иса пайгъамбардин тарихдалди 570-йисан Раби-уль-аввал вацран 12-йикъуз экуьнахъ фад хана. Хтул хайидан гъакъиндай ха-

адан вилик а Кас пайда хъхъана ва лагъана: «Абдулмутталиб, са-бурлу хъухъ, ви хтулдин патав малаикар гва». Абдулмутталибак зурзун акатна, пуд юкъуз мад адай члал акъат хъувунач. Пуд югъ алатайла Абдулмутталиба сифте нубатда аялдал твар эцигна-Мугъаммад ва ам гъар жуьредин балайрикай хуьн патал Каабедиз тухвана.

йисуз садрани тахъай хътин бегъерар хъана. Иниз тамашна и йисуз фахт лугъузва, яни ачухун.

Аял хайидалай гуьгъуьниз чилер зурзана ва а зал-залади персерин пачагъ Кисранан дворецдин 14 галерей чуклурна. Им а кардин гъакъиндай виликамаз ганвай лишан тир хъи, и аял хайидалай къулухъ башламишна арабри Персия къачудалди Персиядин 14 пачагъ масабурун гъилералди /яни ажалсуз/ къин лазим тир. Гъа ик!

КІЕЛА ВА РИКІЕЛ ХУЪХ

бар члехи буба Абдулмутталибал ада Каабеддал тлаваф ийизвайла агакъна. Ада гъасятда Аминатан /аялдин диде/ къвал галай патахъ чукурна. Къвалин рак къеняй агалнавай. Рак гатазвайди вуж я лагъана хабар къурдалай гуьгъуьниз Амината къвализ къведай ихтияр авач лагъана. «Къвализ са Кас атанва ва ада пуд юкъуз аялдин патав инсанар ахъай тавун эмирна», - алава хъувуна ада. Абдулмутталиба тур акъудна рак куквариз клан хъайила

Икъван члалалди Мугъаммад лугъудай твар садални алачир. Вуна аялдал эцигайди санани авачир им вуч твар я лагъана суалдиз Абдулмутталиба жаваб гана: «И тварцидин тариф Чилел алай вири инсанри ийида» /Мугъаммад араб члалай чи члалаз элкъуьрайла тарифлуди, тариф авуниз лайихлуди лагъай гаф жезва/.

И аял хадалди Аравияда са шумуд йисуз къурагъвили агъавалзавай. Аял хайивални марфар къваз башламишна, багъларни никлер къацу хъана ва и

хъунни авуна. Са себебни авачиз Мавлиддилай гуьгъуьниз 10 пачагъ къена. Палестинада авай Табарият лугъудай вир къурана. Виш йисуз давамна кузвай Персиядин атаперсерин /цлаюз ик-рамзавайбур/ цлай туьхвена. И аял хайи йиф югъ жедалди мягътелвал ийидай саягъда вири дуьньяда экуь яз хъана.

«ИСЛАМ» журналдай
таржума авурди-
Р. МУРАДАЛИЕВ я.

ФУТБОЛ - 2017



КЪЕТИЕН ГЪАЛИБВАЛ

Турнирная таблица чемпионата РД по футболу на 07.08.2017г.

	команды	и	в	н	п	голы	о
1	"Леки" (с.Магарамкент)	5	5	0	0	19:4	15
2	"УОР" (г.Каспийск)	6	5	0	1	16:3	15
3	ФК "Хасавюрт" (г.Хасавюрт)	6	4	1	1	10:5	13
4	"Судостроитель-Д"(г.Махачкала)	5	2	1	2	16:5	7
5	"Темирхан-Шура"(г.Буйнакск)	5	2	1	2	6:7	7
6	"Даймохк" (г.Хасавюрт)	6	1	3	2	12:14	6
7	"ДЮСШИВ" (г.Избербаш)	6	0	1	5	7:25	1
8	ФК "Новолак" (с.Ярыксу)	7	0	1	6	6:29	1
9	Команда "Анжи-2" снялась с чемпионата. Результаты с его участием аннулированы.						

АЛАТАЙ гъафтеда футболдай Дагъустандин чемпионатдин 5- тур кыле фена. Райондин ФК «Леки» Каспийск шегъердин «УОР» командадиз мугъман хъанвай.

Матч башламишай сифте декъикъадилай «Лекидин» футболистар, чпис хас хъанвайвал, гъужумда хъана. Иесидиз квалин цларини куьмек гуда,- лугъуда мисалди. Амма и сеферда а цларивайни куьмек гуз хъанач. Нетихада къугъун 3:1 гъисабдалди ФК «Леки» «УОР»-дал гъалиб хъана.

И къугъунилай гуьгъуьниз «Леки» турнирдин таблицада 1- чкадал ала.

Къаравили

*-Духтур! Духтур!
Куьне заз кхъизвай-
ди вуч диагноз я?
-Къалабулух акаг-
мир, им диагноз туш,
им некролог я.*

Магъарамдхуьре авай республикадин махсус школа-интернатдин коллективди мугъверганви

Мисриханов Имируллагъ кечмиш хъунихъ галаз алакъялу яз руш Муртазаева Минзифадиз, рагъметлудан хизандиз ва амай вири мукъва-къилийриз, дериндай хажалат члугуналди башсагълугъвал гузва.

Магъарамдхуьре авай республикадин махсус школа-интернатдин коллективди

Амирханов Агъяд кечмиш хъунихъ галаз алакъялу яз вах Амаханова Гуьлназаз, рагъметлудан хизандиз ва амай вири мукъва-къилийриз, дериндай хажалат члугуналди башсагълугъвал гузва.

**Къилин редактор
А. А. ИСМАИЛОВ.**

Редакциядин адрес:
368780. РД, Магъарамдхуьруьн район, Магъарамдхуьр, Ленинан куьче.

Газет гъафтеда садра акъатзава.

Учредители: Муниципальная районная администрация «Магарамкентский район» и коллектив журналистов редакции районной газеты «Самурдин сес» (Голос Самура).
Адрес: 368780. РД, Магъарамдхуьруьн район, Магъарамдхуьр, Гагаринан куьче, 2.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

Чап ийиз вахкудай вахт - 16.00.
Чапун патал къул члугуна- 15.00.

Газет ООО «Самур» типографияда гъазурна ва гъана чална. Типографиядин ва издателдин адрес: 368780. РД, Магъарамдхуьруьн район, Магъарамдхуьр, Ленинан куьче. Лезги члал.
Индекс 63340. Тираж 1400.
Заказ № 35.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

6+